

Kalendari i burrave NGRITJA E KAMPIONËVE KORRIK 2023

1. Besimi që duron - “I dashur Zot, rregullo mendimin tim nga të ecurit me anë të shikimit në të ecurit me anë të besimit. Tani që Krishti jeton në mua, unë kam sy shpirtërorë, që janë të nevojshëm për të parë Zotin. Prandaj, më ndihmo të shoh Ty ndërsa punon në të gjitha gjërat. Pastaj, më aftëso t’i duroj vështirësive duke të besuar Ty që të bësh që çdo gjë të funksionojë për mirë për mua dhe për lavdinë tënde. (Heb 11:27)

2. Në shërbimin e Tij - “I dashur Zot, mendoja se të shërbeja Ty, por tani shoh se përpjekjet e mia mishore po prodhonin vetëm vepra të vdekura. Falem nderit Zot që më tregon që jam i Yti dhe Ti je në mua. Me gëzim e vendos veten time në dispozicionin Tënd, në mënyrë që Tit ë realizosh veprat e tua të mira përmes meje.” Veprat 27:23

3. Prezenca e Zotit - “I dashur Zot Jezus, dikur mendoja se kisha nevojë për ty vetëm kur gjërat shkonin keq. Por, tani që prezenca jote banon në mua e kuptoj se duhet të varem në Ty për gjithçka. Falem nderit që e bashkove Vetën me mua në mënyrë që prezenca jote të banojë në mua përherë. (Eksodi 33:15)

4. Mbrojtja e Zotit - “O Zot, ndonjëherë më duket sikur të gjithë janë kundra meje. Por unë e di që askush nuk mund të më shtypë sepse Ti je për mua. Fuqia madhështore e prezencës Tënde është brenda meje të më mbrojë. Më ndihmo të fokusohem tek prezenca jote që banon në mua sesa tek armiqtë që më rrethojnë.” (Psalmi 9:3)

5. Jeta është për t’u jetuar - “Zot Jezus, të jam mirënjohës se kur të pranova Ty si Zot dhe Shpëtimtar, Ti erdhe për të banuar në mua. Ti, Zoti i Jetës ke ardhur tani të jesh jeta ime. Prandaj, të besoj ty jetën time për ta jetuar atë përmes meje. Lutem

që Ti do të bësh rrugën tënde në mua dhe do zbulosh Vetën tënde përmes meje! (Gal.2:20).

6. Shqetësimet – “Po ju them mos u shqetësoni për jetën tuaj...(Mateu 6:25). Një dishepull i Jezusit nuk duhet të shqetësohet. Jeta e tij është e sigurt në duart e Atij që sundon universin dhe do të sigurojë për të gjitha nevojat e tij. Thuajini JO shqetësimeve! Kërkojini Zotit urtësi, dallim dhe drejtim nga Fryma e Tij për të ndjekur drejtimin e Tij sido që të jetë.

7. Tundimi - “Asnjë tundim nuk ju ka gjetur juve, përveç se tundimi njerëzor; por Perëndia është besnik dhe nuk do të lejojë që t’ju tundojnë përtej fuqive tuaja...” (1 Kor 10:13a). Ne jetojmë në një botë të rënë dhe jemi të prekshëm nga tundimet. Por, ju gjithmonë mund të mbështeteni në Zotin në stuhitë e jetës. Ai dëgjon lutjet tuaja.

8. Perëndia është besnik – “...por me tundimin (Perëndia) do t’ju japë dhe rrugë dalje, që ju të mund ta përballoni” (1 Kor 10:13b). Kur princi i errësirës dëshiron të të shuajë besimin tënd dhe të hedhë shigjetat e tij të zjarra të mosbesimit dhe frikës ndaj teje, mbahu pas Zotit dhe fjalës së Tij. Ai dëshiron të bekojë dhe të tregojë rrugëdaljen.

9. Fyerje – “Dashuria nuk dyshon për keq” (1 Kor 13:5b). Fyerjet çojnë në hidhërim dhe helmim të marrëdhënieve. Burrë i Perëndisë, lejoje Zotin të derdhë dashurinë e tij përmes teje dhe mëso të falësh si Ai të ka falur ty para se mosfalja të të bëjë një të burgosur të saj dhe ti të humbasësh gëzimin e shpëtimit.

10. Zvarritja – “Kujdesuni, pra, që të ecni me kujdes dhe jo si të marrët, por si të mençurit, duke e shfrytëzuar kohën, sepse ditët janë të mbrapshta. (Efes 5:15.16). Mos u rrëmbeni nga urgjenca, duke humbur gjërat e rëndësishme. Me ndihmën e Perëndisë ju mund të

rregulloni ditët tuaja, të gjeni kohë për të dëgjuar Zotin dhe më pas ta nderoni Atë në gjithçka që bëni.

11. Vetmia – Pavarësisht mediave sociale dhe stilit tonë të shpejtë të jetesës, shumica e të rinjve ndihen të vetmuar sot. Në fakt, asgjë që mund të ofrojë kjo botë nuk është e mjaftueshme për të mbushur "boshllëkun në formën e Zotit" që secili ka në zemrën e tij. Lejo që Jezusi të jetë qendra jote sot. “Sepse Ai vetë ka thënë: “Nuk do të të lë dhe nuk do të të braktis” (Hebrenjve 13:5).

12. Xhelozia – Kur lejojmë dashurinë e Perëndisë të na mbushë zemrën, ne kemi zgjedhur dhuratën më të çmuar. Ai do të na bekojë me kënaqësi pavarësisht nga rrethanat tona. Mos u ankoni, as mos mbani xhelozia. Kjo vetëm do t’ju shkatërrojë ju dhe familjen tuaj. " Një zemër e shëndoshë është jetë për trupin, por lakmia është krimbi brejtës i kockave" (Fjalët e urta 14:30).

13. Faji – “Prandaj, nëse Biri ju bën të lirë, do të jeni vërtet të lirë” (Gjoni 8:36). Ne të gjithë jemi fajtorë para Zotit dhe shpesh bëhemi fajtorë edhe ndaj të tjerëve. Lavdëroni Perëndinë për faljen e Tij nëpërmjet besimit në veprën shpënguese të Krishtit në kryq. Kërkojini Zotit ndihmë për t’i falur debitorët tuaj dhe për t’u pajtuar shpejt nëse jeni bërë fajtorë.

14. Frikë – “Zoti është për mua; unë nuk do të kem fare frikë; çfarë mund të më bëjë njeriu?” (Ps 118:6) Cilido qoftë shqetësimi yt, luftë, përndjekje, humbja e punës, varfëri apo uri, sëmundje ose madje edhe vdekje, - nëse e ke vendosur besimin tënd në Jezusin, Ai do të jetë me ty. “ai që ka besim te Zoti është i siguar.” (Fjalët e Urta 29:25).

15. Dështim – “Ashtu si një baba është i mëshirshëm me bijtë e tij, kështu është i mëshirshëm Zoti me ata që kanë frikë prej tij. Sepse ai e njeh natyrën tonë dhe nuk harron që ne jemi pluhur. (Psalmi 103:13,14) Lejojeni Zotin të ridrejtojë fokusin tuaj. Ndaloni së

përqëndruari në dështimet tuaja; besojeni se Ai ju do! Hiri i Tij është i mjaftueshëm.

16. Dyshim – “I lum ata që nuk kanë parë dhe kanë besuar!” (Gjoni 20:29b). Lavdi Zotit që Ai është një Perëndi i mëshirshëm që vjen tek ne kur jemi të thyer në zemër dhe të shtypur në shpirt. Ai dëshiron t’i përgjigjet dyshimeve të sinqerta. “Emri i Zotit është një kala e fortë, tek ai turret i drejti dhe gjen siguri.” (Fjalët e Urta 18:10).

17. Dekurajim – “Nga skaji i tokës unë të bërtas ty, ndërsa zemra ime po shkrihet; më çdo në shkëmbin që është më i lartë se unë,” (Ps 61:2). Kur keni bërë më të mirën tuaj dhe nuk është ende e mjaftueshme, mos u dorëzoni. Në vend të kësaj, kërkojini Zotit këndvështrimin e Tij. Ai i bën të gjitha gjërat të funksionojnë për mirë nëse ju e doni Atë së pari.

18. Zemërim – “Zemërohuni dhe mos mëkatoni, dielli të mos perëndojë mbi inatin tuaj” (Efes 4:26). Patjetër ka zemërim të drejtë. Vetë Zoti zemërohet çdo ditë me keqbërësit. (Psalmi 7:11). Por, Ai është i shenjtë nëdërsa ne jo. Mos e lejoni zemërimin të acarohet. Nëse keni një temperament që zemërohet lehtë, kërkojini Zotit t’ju mësojë butësinë e vërtetë të zemrës.

19. Dashuri – Zoti i do shumë njerëzit që nuk kanë dëgjuar ende për Jezusin. Lutuni që të arrini të jeni një enë e dashurisë së Perëndisë, duke e ndihmuar Atë të kontaktojë përmes jush me shumë njerëz që ende nuk kanë dëgjuar. (Jak 4:5)

20. Shqetësimi – Si ambasadorë të Krishtit në planetin Tokë, ju jeni ngarkuar të ndani Ungjillin me njerëzit që nuk e kanë dëgjuar ende atë shpallet. Lutuni që Perëndia t’ju ngarkojë me shqetësimin e Tij për një botë të humbur; dhe t’ju tregojë se ku dhe si mund t’ju përdorë në mënyrën më frytdhënëse të mundshme. (Mat 28:18-20)

21. Miqësi – Ashtu si copat e drurit në sobë e mbajnë zjarrin të ndezur, ne duhet të inkurajojmë njëri-tjetrin si ndjekës të Krishtit. Lutuni që të gjeni bashkëbesimtarë për t’u mbështetur. Dhe lutuni që Perëndia t’ju përdorë për t’ju sjellë bekim dhe inkurajim të krishterëve të tjerë. (Hebrenjve 13:1)

22. Mundësi – Disa njerëz luten çdo mëngjes për një mundësi për të takuar një person përpara fundit të ditës që mund ta ftojë në praninë e Zotit. Falënderoni Perëndinë që ngre ungjilltarë të tillë të zellshëm (Kolosianëve 4:2-3).

23. Ripërtëritje – “Ai ripërtërin shpirtin tim...” (Ps 23:3a). Kur gjejmë kohë për të qenë në praninë e Perëndisë dhe për të hapur zemrën dhe jetën tonë ndaj Tij, do të përjetojmë lehtësim. I Plotfuqishmi dëshiron që ne të jemi pranë Tij, sepse ai kënaqet të na bekojë. Bëhuni gati për t’u ripërtërirë sot.

24. Drejtim – “Ai më udhëheq nëpër shtigjet e drejtësisë” (Ps 23:3b). Duke kthyer kokën pas, ne vetëm mund të habitemi sesi Perëndia na ka udhëhequr sa herë që e kërkonim; dhe se si na u freskua shpirti. Jini të gatshëm t’i besoni Atij përsëri sot!

25. Pa frikë – “Edhe sikur të ecja në luginën e hijes së vdekjes nuk do të kisha frikë sepse ti je me mua,” (Ps 23:4a). Edhe nëse jeta ime është e vështirë, e mbushur me sëmundje, dhimbje, vuajtje dhe kërcënim me vdekje, unë e di se Zoti Jezus është me mua dhe më udhëheq.

26. Ngushëllim – “Shkopi yt dhe thupra jote janë ato që më japin zemër mua” (Ps 23:4b). Çfarë gëzimi i papërshkrueshëm është të jesh i sigurt në Jezu Krishtin. Ne i dimë ato momente dhe rrethana që e bëjnë jetën të duket e shkretë dhe e pashpresë. Por ndërsa lejojmë që Jezusi të hyjë, shpirti ynë inkurajohet dhe marrim forcë dhe besim të ri.

27. Mirësi – “Me siguri mirësi dhe pasuri do të më shoqërojnë në të gjitha ditët e jetës time.” (Ps 23:6) Për shkak të mirësisë së Zotit ndaj meje, Ai më bën të mundur t’ia përcjell mirësinë familjes sime dhe njerëzve me të cilët kam kontakt. Kjo është mënyra se si prania dhe hiri i Perëndisë dëshiron të pasqyrohet edhe në jetën tuaj.

28. Dritë që shkëlqen – Princi i errësirës e di se koha e tij është e shkurtër. Strategjia e tij është të përfshijë botën në imoralitet, rebelim, paligjshmëri shpirtërore dhe kaos. Prandaj, shpengoni kohën...”Le të shkëlqejë drita juaj para njerëzve në mënyrë që ata të shohin veprat tuaja të mira dhe të lëvdojnë atin tuaj në qiej” (Mt 5:16).

29. Mos u tërhiqni prapa – “Dhe i drejti do të jetojë prej besimit; por ne qoftë se ndokush tërhiqet prapa, shpirti im nuk do të gjejë pëlqim në të” (Heb10:38). Kur paligjshmëria t’ju rrethojë, i krishteri dhe mesazhi i tij do të tundohen. Jini të guximshëm! Qëndroni në terren! Mos kini frikë nga ata që vrasin trupin, por nuk mund të vrasin shpirtin” (Mt 10:28).

30. Lutja - "Lutuni pa pushim" (1 Thes 5:17). Rutina e jetës së përditshme; familjare. rrethanat; puna dhe shumë gjëra të tjera mund ta shtyjnë njeriun të neglizhojë lutjen. Lutja e mban mendjen dhe zemrën vigjilente dhe të ndjeshme për t’u përballuar me betejat me të cilat përballet njeriu. Zot, kërkojmë sot një jetë lutjeje këmbëngulëse dhe të vazhdueshme.

31. Besnikëri - Tundimet ekzistojnë kudo dhe ato që përfshijnë jetën seksuale dhe morale të njeriut ekspozohen në mënyrë të plotë. Filipianëve 4:7 thotë se "...paqja e Perëndisë, që tejkalon çdo zgjuars, do të ruajë zemrat tuaja dhe mendjet tuaja në Krishtin Jezus." Zot, më ndihmo të drejtoj zemrën dhe mendjen time që të jem gjithmonë besnik ndaj gruas sime!